

Тупроқ билан боғлиқ мўъжиза



11:15 / 09 октябрь 754

Энг яхши дезинфекциялаш воситалари тупроқда топилган. Бу олимлар томонидан тасдиқланган ва Қуръон ва Суннатда эслатиб ўтилган илмий ҳақиқатдир.

Олимлар илм-фаннинг турли соҳаларида кўп нарсаларни кашф қилиш баробарида улар орасида энг ажабланарлиси тупроқни таҳлил қилгандан сўнг, унинг атомлари орасида дезинфекцияловчи модда борлигини аниқлаганларидир. Ушбу модда ҳар қандай вирус ва микробларни йўқ қилиши мумкин. Ҳатто дезинфекцияловчи воситалар қила олмаган микробларни тупроқ олиб ташлайди!

Инсон вафот этганидан сўнг унинг танаси парчалана бошлайди ва ҳар хил турдаги бактериялар унинг ҳужайраларини ютади. Аллоҳ таолонинг бандаларига раҳмати шуки, уларни тупроқдан яратди ва улар тупроққа қайтадилар.



Пайғамбаримиз соллаллоҳу алайҳи васаллам тупроқни покловчи эканини таъкидланганлар.

هللا يضره يبا ن ع
ىلص هللا لوسر نأ هنع
إذا: لاق ملسو هيلع هللا
مك دحأء أنإ ي ف بلك ل ا غ ل و
هل س غ ي ل م ث ه ق ر ي ل ف
م ل س م ه ا و ر ي ت ا ر م غ ب س

Абу Хурайра розияллоҳу анҳудан ривоят қилинади:

«Набий соллаллоҳу алайҳи васаллам: **«Бирортангизнинг идишини ит яласа, ундаги нарсани тўкиб юборсин, кейин уни (идишни) етти марта ювсин»**, дедилар».

Бошқа бир ривоятда:

«Улардан (ювишлардан) биринчиси ёки биттаси тупроқ билан бўлсин».

Яна бошқа ривоятда **«еттинчиси тупроқ билан бўлсин»**, дейилган.

Бешовлари ривоят қилишган.

Биламизки, итнинг сўлагида микроблар жуда кўп бўлади. Тупроқ таркибида эса шундай моддалар бор эканки, улар ҳар хил микробларни йўқ қила олар экан.

Итнинг сўлаги бирор идишга тегса, бу идишни сув билан ҳар қанча ювмайлик, баъзи микроблар қолиб кетиши мумкин. Шунинг учун бу идишни бир неча марта ювганимизда тупроқ билан ҳам ишқалаб тозаласак, идиш бутунлай дезинфекция қилинган бўлар экан.

Тупроқ билан тозалаш – ўша идишнинг деворларини тупроқ билан артиб, бирон жойини қолдирмай ишқалаб ювиб ташлашдир. Шундай қилинса, идишда ҳеч қандай микроб қолмайди.

Субҳаналлоҳ!

Севикли Ҳабибимиз соллаллоҳу алайҳи васаллам тупроқда микробларни йўқ қилувчи модда борлигини қандай билдилар экан?! Албатта, бу илмни у зот алайҳиссаломга Буюк Холиқ ўргатгандир!

Абдуддоим Каҳел мақоласи.

Нозимжон Ҳошимжон таржимаси

Ушбу мақола Ўзбекистон Республикаси Дин ишлари бўйича қўмитанинг 2024 йил 3 август 03-07/4702-сонли хулосаси асосида тайёрланди.